

PREPORUKE ZA PISANJE ZAVRŠNOG RADA INTEGRISANOG STUDIJA I i II CIKLUSA FARMACEUTSKOG FAKULTETA

Naslovna stranica završnog rada slijedi u nastavku- format A4:

UNIVERZITET U SARAJEVU
FARMACEUTSKI FAKULTET
KATEDRA ZA – _____ (14 pt)

NASLOV RADA (20 pt, bold)
ZAVRŠNI RAD INTEGRISANOG STUDIJA I I II CIKLUSA (14 pt)

Mentor: titula, ime i prezime (14 pt)

Kandidat: ime i prezime (14 pt)

Sarajevo, mjesec godina. (14 pt)

UPUTE ZA OBLIKOVANJE PISMENOG DIJELA ZAVRŠNOG RADA INTEGRISANOG STUDIJA I I II CIKLUSA

Završni rad je stručni rad kojim student pokazuje sposobnost povezivanja stečenog znanja s konkretnim zadatkom u kojem treba pokazati samostalnost u rješavanju problema u struci. Pismeni dio završnog rada u spiralno uvezanoj formi predaje se mentoru i članovima Komisije za ocjenu i odbranu završnog rada, a nakon pregleda i eventualnih ispravki kandidat predaje završni rad u **pet** uvezanih primjeraka (meki plastificirani ili tvrdi uvez) i u **jednom primjerku u elektronskom obliku** (na CD-ROM: Word for Windows, PDF file)

Obim rada

Obim završnog rada trebalo bi da iznosi između **40 i 80** stranica, A4 formata, uključujući tekst, crteže, tabele, dijagrame i priloge. Tekst završnog rada treba pisati u trećem licu. Na stranici ne bi trebalo biti više od 30 redaka (prored 1,5). Tekst pisati s obostranim poravnanjem („justify“). Preporučuje se pismo Times New Roman veličine 12 pt ili Arial, veličine 10 pt. Margine podesiti prema slijedećem: gornja, donja i desna 2,5-3 cm, lijeva 3,5-4 cm. Naslovi poglavlja pišu se velikim slovima veličine 12 pt, bold, s brojčanom oznakom, a podnaslovi kurziv („italic“), također s brojčanom oznakom koja je navedena i u sadržaju. Brojevi stranica trebaju se staviti uz donji desni rub. Numerisanje stranica počinje od Uvoda.

Sadržaj rada

Naslovna stranica završnog rada se ispisiuje prema priloženom predlošku.

Nakon toga slijedi zahvala u kojoj se navodi: - gdje je rad rađen (Katedra, Kabinet, laboratorija i sl.), -titula i ime mentora, -imena osoba koje su pomogle pri izradi završnog rada.

Slijedeća stranica je **sadržaj rada** s popisom naslova poglavlja i brojevima stranica na kojima poglavlja započinju.

Završni rad treba početi sažetkom (na posebnoj stranici), a zatim **uvodnim poglavljem** u kojem se donosi kratak prikaz teme koja se obrađuje, te o čemu se govori u svakom od poglavlja rada.

Završni rad se sastoji iz teoretskog i eksperimentalnog dijela. U teoretskom dijelu se donosi pregled relevantne literature iz područja koje se u završnom radu obrađuje.

Slijedi hipoteza, **cilj rada**, te **materijal i metode rada**, a zatim **rezultati**, koji čine **eksperimentalni dio** rada. Nakon eksperimentalnog dijela rada slijedi diskusija dobivenih rezultata. Završno poglavlje rada je **zaključak**, nakon kojeg treba navesti literaturu, popis slika i tablica, i po potrebi popis oznaka i kratica. Svako novo poglavlje treba početi na novoj stranici. Započeta rečenica mora završiti na istoj stranici.

Citiranje literature

Citiranje je doslovno navođenje dijelova teksta ili riječi drugih autora, koji se mogu provjeriti. U slučaju doslovnog navođenja obavezno je upotrijebiti navodne znake i naznačiti od kojeg je autora navedeni tekst preuzet.

Pod parafraziranjem se podrazumijeva korištenje dijelova teksta drugih autora, ali ne doslovno, nego prepričano. U tom slučaju svakako je potrebno naznačiti izvornog autora, ali nije potrebno stavljati navodne znake.

Dakle, i kod citiranja i kod parafraziranja potrebno je naznačiti autore izvornog teksta, jer se u protivnom navedeno smatra plagijatom i nije dopušteno.

Poslije završenog teksta završnog rada, odnosno poslije zaključka rada, stavlja se popis korištene literature (bibliografija).

Popis korištene literature

Literatura treba biti navedena na jedan od slijedeća dva načina.

1. Prvi način (Harvardski) navođenja literature:

- **Članak** iz časopisa ili rada na konferenciji: prezime i prvo slovo imena autora, godinu izdanja, naslov rada, *ime časopisa (konferencije)*, volumen ili godište, broj časopisa, stranice, npr.:

Black, S.L., (1996). General Chemistry Laboratory-Scientific Inquiry.

Journal of Chemical Education, 73 (8), pp. 776-778.

- **Knjiga**: prezime i prvo slovo imena autora, godinu izdanja, naslov knjige, naziv izdavača, mjesto, npr.:

Pine, S.H., Hendrickson, J.B., Cram, D.J., Hammond, G.S. (1995). *Organska kemija*, Zagreb: Školska knjiga.

- **Web stranice** se navode kako slijedi:

Matanović, S. (2006). *Zaštita od ionizirajućeg zračenja*. Preuzeto sa:

<http://www.zastita.com.hr> [pristupljeno 23.10.2008.]

2. Drugi način (Vankuverski) navođenja literature:

- **Članak** iz časopisa ili rada na konferenciji: prezime i prvo slovo imena autora, naslov rada, *naslov časopisa (konferencije)*, volumen ili godište, broj časopisa, stranice, godina izdanja, npr.:

Black, S.L., General Chemistry Laboratory-Scientific Inquiry.

Journal of Chemical Education. 1996. 73 (8), pp. 776-778.

-**Knjiga** treba sadržavati: prezime i prvo slovo imena autora, naslov knjige, naziv izdavača, mjesto i godinu izdanja, npr.:

Pine, S.H., Hendrickson, J.B., Cram, D.J., Hammond, G.S., *Organska kemija*, Zagreb: Školska knjiga, 1995.

- **Web stranice** se navode kako slijedi:

Matanović, S., *Zaštita od ionizirajućeg zračenja*, 2006. Preuzeto sa:

<http://www.zastita.com.hr> (pristupljeno 23.10.2008.).

Prilikom izrade završnog rada obavezno konsultovati mentora u vezi načina citiranja i navođenja korištene literature.

Slike, sheme, tablice i dijagrame treba umetnuti u rad po mogućnosti što bliže tekstu, koji se na njih poziva. Opisuju se kratkim tekstom ispod slike ili sheme (npr. Slika 1. i opis slike), dok se naslov tabele nalazi iznad nje. Ne preporučuje se zasebna numeracija slika i tabela u svakom poglavlju. Matematički izrazi i hemijske jednačine se obilježavaju brojevima u okrugloj zagradi, uz desni rub stranice. Preporučuje se zasebna numeracija u svakom poglavlju.

U SLUČAJEVIMA KOJI NISU PREDVIĐENI OVIM UPUTAMA, POSTUPITI PREMA SUGESTIJAMA MENTORA.

Sarajevo, juli 2015.

PRODEKAN ZA NASTAVU

Prof.dr. Aida Šapčanin

